

Канон молебный ко Пресвятой Богородице

поемый во всякой скорби душевной и обстоянии

Моли́твами свя́тых оте́ц на́ших, Го́споди Иису́се Христе́ Бо́же наш, поми́луй нас. Ами́нь.

Трисвятое. Пресвята́я Трои́це: Слава, и ныне: Отче наш: Го́споди, поми́луй. (12 раз.) Слава, и ныне: Приидите, поклонимся (Трижды.)¹
Псалом 50.

КАНОН, глас 8-й

Творение Феостирикта монаха

Песнь 1

Ирмос: Во́ду проше́д яко́ су́шу, и египетскаго зла избежа́в, израильтянин вопи́аше: изба́вителю и Бо́гу на́шему по́йм.

Припев: Пресвятая Богородице, спаси нас.

Мно́гими содержи́мь напа́стыми, к Тебе́ прибега́ю, спасе́ния искый: о, Ма́ти Сло́ва и Де́во, от тяжких и лю́тых мя спаси́.

Пресвятая Богородице, спаси нас.

Страсте́й мя смуща́ют прило́зи, мно́гаго уны́ния испо́лнити мою́ ду́шу; умири́, Отрокови́це, тишино́ю Сы́на и Бо́га Твоего́, Всенепоро́чная.

Слава: Спа́са ро́ждшую Тя и Бо́га, молю́, Де́во, избе́гитися ми лю́тых: к Тебе́ бо ны́не прибега́я, простира́ю и ду́шу и помышле́ние.

И ныне: Неду́гующа те́лом и душе́ю, посеще́ния Божество́ннаго и промы́сления от Тебе́ сподо́би, еди́на Богома́ти, яко́ благая, Благо́го же Родите́льница.

Песнь 3

Ирмос: Небе́снаго кру́га Верхотво́рче, Го́споди, и Це́ркве Зижди́телю, Ты ме́не утверди́ в любви́ Твое́й, желаний кра́ю, ве́рных утвержде́ние, еди́не Человеколю́бче.

Пресвятая Богородице, спаси нас.

Предста́тельство и покрóв жи́зни моея́ полага́ю Тя, Богороди́тельнице Де́во: Ты мя окорми́ ко приста́нищу Твоему́, благих вино́вна; ве́рных утвержде́ние, еди́на Всепе́тая.

Пресвятая Богородице, спаси нас.

¹ Полный текст этих молитв см. в разделе «Молитвы утренние»

Молю, Дѣво, душевное смущение и печали моея бурю разорити: Ты бо, Богоневѣстная, начальника тишины Христа родила еси, еди́на Пречистая.

Слава: Благодѣтеля рождши добрыхъ виновнаго, благодея́ния богáтство всемъ источи́, вся бо мо́жеша, ꙗ́ко си́льнаго в крѣпости Христа рождши, Богоблаженная.

И ныне: Лютыми недуги и болѣзненными страстьми истязáему, Дѣво, Ты ми помози́: исцелѣний бо неоску́дное Тя знаю сокровище, Пренепорочная, неизживáемое.

Спаси́ от бед рабы́ Твоя́, Богородице, ꙗ́ко вси по Бóже к Тебѣ прибега́ем, ꙗ́ко нерушима́я стена́ и предста́тельству.

Призри благосерди́ем, всепетая Богородице, на мое́ лютое телесе́ озлоблѣние, и исцели́ души́ моея́ болѣзнь.

Господи, помилуй. (Трижды.) Слава, и ныне:

Седален, глас 8-й

ꙗ́ко всенепорочная Невѣсто Творцу́, ꙗ́ко неискусому́жняя Мати Избáвителя, ꙗ́ко прѣятилице сущи́ Утѣшителя всепетая, беззаконію мя суща скверно жилище, и бесомъ игралице в разумѣ бывша, потщися и сихъ злодѣйствія мя избáвити, свѣтло жилище добродѣтелями содѣлавши, светодáтельная и нетлѣнная: разжени́ облакъ страстей, и вышняго причáстия сподоби́, и свѣта невечерняго моли́твами Твоими́.

Песнь 4

Ирмос: Услы́шах, Гóсподи, смотре́нія Твоего́ та́инство, разуме́хъ дела́ Твоя́ и просла́вихъ Твое́ Божество́.

Пресвятая Богородице, спаси нас.

Страстей моихъ смущение, ко́рмчию рождшая Гóспода, и бурю утиши́ моихъ прегрѣше́ний, Богоневѣстная.

Пресвятая Богородице, спаси нас.

Милосердія Твоего́ бѣздну призывáющую подаждь ми, ꙗ́же Благосердаго рождшая и Спа́са всехъ пою́щихъ Тя.

Пресвятая Богородице, спаси нас.

Наслажда́ющася, Пречистая, Твои́хъ дарова́ній, благодарственное воспѣва́емъ пѣние, вѣдуще Тя Богома́терь.

Слава: На одрѣ болѣзни моея́ и нѣмо́щи низлежа́щу ми, ꙗ́ко благолю́бива, помози́, Богородице, еди́на Приснодѣво.

И ныне: Наде́жду и утвержде́ние и спасѣ́нія стѣну́ недви́жиму иму́ще Тя, Всепетая, неудобства всякаго избавля́емся.

Песнь 5

Ирмос: Просвети́ нас повелѣ́ніи Твоими́, Гóсподи, и мь́щию Твоею́

высокою Твой мир подаждь нам, Человеколюбче.

Пресвятая Богородице, спаси нас.

Исполни, Чистая, веселия сердце мое, Твою нетленную даючи радость, веселия рождающая Виновного.

Пресвятая Богородице, спаси нас.

Избави нас от бед, Богородице Чистая, вечное рождающая избавление, и мир, всяк ум преимуший.

Слава: Разрешит мглу прегрешений моих, Богоневесто, просвещением Твоей светлости, Свет рождающая Божественный и превечный.

И ныне: Исцели, Чистая, души моей немощение, посещения Твоего сподобляющая, и здравие молитвами Твоими подаждь ми.

Песнь 6

Ирмос: Молитву пролию ко Господу, и Тому возвещу печали моя, яко зол душа моя исполнися, и живот мой аду приближися, и молюся яко Иона: от тли, Боже, возведи мя.

Пресвятая Богородице, спаси нас.

Смерти и тли яко спасл еси, Сам Ся издав смерти, тлением и смертию мое естество, ято бывшее, Дево, моли Господа и Сына Твоего, врагов злодействия мя избавити.

Пресвятая Богородице, спаси нас.

Предстательницу Тя живота вем и хранительницу тверду, Дево, и напастей решающую молвы, и налоги бесов отгоняющую; и молюся всегда, от тли страстей моих избавити мя.

Слава: Яко стеноу прибежища стяжашом, и душ всесовершенное спасение, и пространство в скорбех, Отроковице, и просвещением Твоим присно радуемся: о, Владычице, и ныне нас от страстей и бед спаси.

И ныне: На одре ныне немощствующей лежу, и несть исцеления плоти моей: но, Бога и Спаса миру и Избавителя недугов рождающая, Тебе молюся, Благой: от тли недуг возстави мя.

Господи, помилуй. (*Трижды.*) Слава, и ныне:

Кондак, глас 6-й

Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти; ускори на молитву, и потщися на умоление, предстательствующи присно, Богородице, чтущих Тя.

Икос

Простри длани Твоя, имиже всех Владыку яко младенца прияла еси, за множество благодати; не остави нас, всегда надеющихся на Тя, бодренною Твоею молитвою и неисчетною простынею² ущедри нас и подаждь душам нашим милосердие Твое, во веки источаючи: Тебе бо имамы, грешнии, Заступницу от находящих на ны бед и зол. Но яко имущи милосердия щедроты, ускори на молитву и потщися на умоление, предстательствующи присно, Богородице, чтущих Тя.

Песнь 7

Ирмос: От Иудеи дошедше отроцы, в Вавилоне иногда, верою Троицескою пламень пещный попраша, поюще: отцев Боже, благословен еси.

Пресвятая Богородице, спаси нас.

Наше спасение якоже восхотел еси, Спасе, устроить, во утробу Девыя вселился еси, Юже миру предстательницу показал еси: отец наших Боже, благословен еси.

Пресвятая Богородице, спаси нас.

Волителя милости, Егоже родила еси, Мати чистая, умоли избавитися от прегрешений и душевных скверн верою зовущим: отец наших Боже, благословен еси.

Слава: Сокровище спасения и Источник нетления, Ты рождшую, и столп утверждения, и дверь покаяния, зовущим показал еси: отец наших Боже, благословен еси.

И ныне: Телесныя слабости и душевныя недуги, Богородительнице, любовию приступающих к крову Твоему, Дево, исцелити сподоби, Спаса Христа нам рождшая.

Песнь 8

Ирмос: Царя Небеснаго, Егоже поют вси Ангельстии, хвалите и превозносите во вся веки.

Пресвятая Богородице, спаси нас.

Помощи яже от Тебе требующия не презри, Дево, поющия и превозносящия Тя во веки.

Пресвятая Богородице, спаси нас.

Неможение души моея исцеляеши и телесныя болезни, Дево, да Тя прославлю, Чистая, во веки.

Слава: Исцелений богатство изливаеши верно поющим Тя, Дево, и превозносящим неизреченное Твое рождество.

И ныне: Напастей Ты прилоги отгоняеши и страстей находы, Дево: темже Тя поем во вся веки.

² прощением

Песнь 9

Ирмос: Воистинну Богородицу Тя исповедуем, спасеннии Тобою, Дево чистая, с безплотными лики Тя величающе.

Пресвятая Богородице, спаси нас.

Тока слез моих не отвратися, Яже от всякаго лица всяку слезу отъемшаго, Дево, Христа рождшая.

Пресвятая Богородице, спаси нас.

Радости мое сердце исполни, Дево, Яже радости приемшая исполнение, греховную печаль потребляючи.

Пресвятая Богородице, спаси нас.

Пристанище и предстательство к Тебе прибегающих буди, Дево, и стена нерушимая, прибежище же и покров и веселие.

Слава: Света Твоего зарями просвети, Дево, мрак неведения отгоняючи, благоверно Богородицу Тя исповедающих.

И ныне: На месте озлобления немощи смирившагося, Дево, исцели, из нездравия во здравие претворяючи.

Молитвы ко Пресвятой Богородице

Царице моя преблагая, надеждо моя Богородице, приятелице сырых и странных предстательнице, скорбящих радости, обидимых покровительнице! Зриши мою беду, зриши мою скорбь, помози ми яко немощну, окорми мя яко странна. Обиду мою веси, разреши ту, яко волиши: яко не имам инья помощи разве Тебе, ни инья предстательницы, ни благия утешительницы, токмо Тебе, о Богомати, яко да сохраниши мя и покрыеши во веки веков. Аминь.

К кому возопию, Владычице? К кому прибегну в горести моей, аще не к Тебе, Царице Небесная? Кто плач мой и вздыхание мое примет, аще не Ты, Пренепорочная, надеждо христиан и прибежище нам, грешным? Кто паче Тебе в напастех защитит? Услыши убо стенание мое, и приклони ухо Твое ко мне, Владычице Мати Бога моего, и не презри мене, требующаго Твоея помощи, и не отрини мене, грешнаго. Вразуми и научи мя, Царице Небесная; не отступи от мене, раба Твоего, Владычице, за роптание мое, но буди мне Мати и заступница. Вручаю себе милостивому покрову Твоему: приведи мя, грешнаго, к тихой и безмятежной жизни, да плачуся о гресех моих. К кому бо прибегну повинный аз, аще не к Тебе, упованию и прибежищу грешных, надеждою на неизреченную милость Твою и щедроты Твоя окривляемь? О, Владычице Царице Небесная! Ты мне упование и прибежище, покров и заступление и помощь. Царице моя преблагая и скорая заступнице! Покрый Твоим ходатайством моя прегрешения, защити мене от враг видимых и невидимых; умягчи сердца злых человек, возстающих на мя. О, Мати Господа моего Творца! Ты еси корень девства и неувядаемый

цвет чистоты. О, Богородительнице! Ты подаждь ми помощь немощствующему плотскими страстьми и болѣзнующему сердцем, еди́но бо Твое́ и с Тобо́ю Твоего́ Сы́на и Бо́га на́шего има́м заступле́ние; и Твои́м пречу́дным заступле́нием да изба́влюся от вся́кия бе́ды и напа́сти, о Пренепоро́чная и Пресла́вная Бо́жия Ма́ти Мари́е. Те́мже со упова́нием глаго́лю и вопи́ю: ра́дуйся, благода́тная, ра́дуйся, обра́дованная; ра́дуйся, преблагослове́нная, Госпо́дь с Тобо́ю.

Досто́йно есть я́ко вои́стину блажи́ти Тя Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херуви́м и сла́внейшую без сравне́ния Серафи́м, без ислѣ́ния Бо́га Сло́ва ро́ждшую, су́щую Богоро́дицу Тя велича́ем. *(Поклон)*

Сла́ва, и ны́не: Го́споди, поми́луй. *(Трижды.)* Господи, благослови.

Го́споди, Иису́се Христѣ́, Сы́не Бо́жий, моли́твами Пречи́стыя Твоея́ Ма́тере, преподо́бных и богоно́сных оте́ц на́ших и всех святы́х поми́луй и спаси́ нас, я́ко Благ и Человеколю́бец. Ами́нь.